



Ассаламу г'ялайкум!

БАРХЪДЕШЛА ГЪУНИ

РАЙОННА ЖАМИГ'ЯТЛА-ПОЛИТИКАЛА ГАЗЕТА

№ 10 (81319), МАРТЛА 5, ЖУМЯГ'И, 2021-ИБИЛ ДУС. БАГЪА 8 КЪУР.

«Путь истины»

1938 ИБИЛ
ДУСЛИЧИБАД
ДУРАЙУСИ САБИ

ОСНОВАНА
В 1938 ГОДУ

У ЧРЕДИТЕЛИ:

Администрация МО «Акушинский район»,
МБУ «Редакция газеты «Путь истины»
муниципального образования «Акушинский район»,
Акушинское районное Собрание депутатов.



«АХЪУШАЛА РАЙОН» МО-ЛА БЕК'И МЯХ'ИЯЧ КЪАДИЕВИЧ Г'ЯБДУЛКАРИМОВЛА МУБАРАК

Ах'ерти нешани, рузби, рурсби, районна лерилра хъунул адамти!
Х'лебла иш байрам нушала улкализиб хаслира халаси разидешличил ва урк'илаб ванадешличил дурабур-
к'ули саби. Ил анц'ибукъли бикъридеш дирули сари нушала обществолизиб хъунул адамла халаси х'лурмат
лебнилис, хъунул адам, неш ах'ли къиматларирули риънилис. Царх'илван биэсра х'лебирар, сеналенну хъу-
нул адамличи, нешличи имц'аливан хъардирули детарули сари хъалиц'ла дих'лини, дурх'ли нас бяркъ бедни, хъа-
либарглизиб цабалгундеш г'леббуци. Хъунул адамличил дархдасунти сари г'ямрулизир лерти лерилра г'ях'ли-
ти ибти, дурхъати ибти --хъулиб баракаг, дигичебдеш, мардеш.
2021-ибил дус Дагъистан Республикалис машгъурси саби--автономия 100 дус биъниличибли. Районна хъу-
нул адамтанира халаси пай кабихъбси саби ил заманала бух'лаб районна экономика, культура, социаль-
ный баркъуди гъаладях'и ардукнилизе. Дигулра х'лушазивад гъариллис диубли арадеш, г'ямрулизир талих'и ва
разидеш, х'янчилизи устадеш!

РАЙОННА ДЕПУТАТУНАЛА СОБРАНИЕЛА ПРЕДСЕДАТЕЛЬ Г'ЯБДУЛЖАЛИЛ ДАВУДОВИЧ АБАКАРОВЛА МУБАРАК

Х'лурматла хъунул адамти, багъудила, медицинала, хозяйства--лерилра къялубазир дузути х'янчи-
зарти! Урк'ли-урк'иларад мубаракдирулра х'луша мартла 8-ибил Барх'ила байрамличил! Нуни пахру-
бирулра нушала районна хъунул адамти чучи хъарси х'янчи чебетаахъили таманбирнилизиб, дурх'ли нас
г'ях'лиси бяркъ бедлугнилизиб, район гъар шайчиб гъалабях'и башахънилизе чула пай кабирхънилизиб
декларабулхъули биъниличе. Х'луша-ургаб леб пачалихъла наградаби, х'лурматла уми касибти, х'янчи-
лизир ах'ти устадешличе дег'диубти.
Х'лушани бирхауди бихъили, депутатуниле дик'ибти нушани х'луша багъандан, х'лушала дурх'ли
багъандан нушазивад лябкъуси бирех'ле. Арали датабая, талих'ичерли х'лердиабая! Мурталра каммабаб
х'лушаб къиянбухъунх'еле хъарахъести мурул адамти, дияб х'лушала хъулир даршудеш ва цабалгундеш!



«АХЪУШАЛА РАЙОН» МО-ЛА БЕК'ИЛА ЗАМЕСТИТЕЛЬ, РАЙОННА ХЪУНУЛ АДАМТАЛА СОВЕТЛА ПРЕДСЕДАТЕЛЬ ЭЛЬВИРА КЪУРБАНИСМЯГ'ИЛОВНА Х'ЯСАНХ'УСЕЙНОВАЛА МУБАРАК

Ах'ерти нешани ва рузби! Х'лера, нушачи сагали дак'иб х'леб ва х'лебла цаибси байрам--мартла 8-ибил Барх'ли.
Дигулра х'лебла ванадешлизиб биц'уси дях'иличил дарх детахъили х'лушазирад гъарилла шишимти, анц'къи, дек'и-
ти пикруми, х'лебла цаибти вавначил дарх пархдухъи х'лушала урк'ибазир г'ямруличе диги!
Ахъушала районна хъунул адамти мурталра декларабулхъутири пасих'идешличил, жавабкардешличил, сабурли-
чил ва ях'личил. Дигулра гъаннала г'ергъира районничила г'ях'лиси хабар ахъбик'лахъес, район гъалабях'и бикнила
баркъудилизи лайикъси пай кабихъес х'луша бажардидикили!
Арали батаб х'лушала дурх'лини, къисматли мях'икамбараб лебилра х'лушаб ах'ерти адамти!



Хамис Казиева,
Социалист Бузера Игит.

НЕСАНИ, РУЗБИ, РУРСБИ!

Жагадешла нурана
Диркъми дарайдирути,
Сирибиван дубурти
Малх'ямли гарддирути.

Х'ялани х'ляршдирули
Дардани дулбахъути,
Х'ясратти х'леранани
Гъими-къяс дуръахъути.

Асилти гъунартачи
Гъав гъалакбирахъути,
Гъалмагъдешла тухрачиб
Даршудеш булхъахъути.

Гардла далайла г'лабра
Г'ялам г'яшикъбирути,

Дигайлис дару дезни
Ахъли зяйдик'лахъути.

Г'яш-г'яшли х'лекъти балгни
Икрамличил дирути,
Иман-х'лялизирад
Ак'лубла х'ледухъунти.

Нешани, рузби, рурсби--
Дурхъал ванзала вавни,
Х'лулбазирад гердулхъаб
Разидешлацун нургъби!

М. М. Мях'яммадов,
ДР-ла культурала урибси
х'янчизар, поэт, журналист.



Хамис Къамбаймах'яммадова,
Социалист Бузера Игит.



ЧЕРЯХИТИРАЯ ХИУША,

Хьумхертести адамти ТІАЛАБКАРЛИ РУЗУСИРИ



Къайтбекова Патимат Къайтбековна аклубси сари 1911-ибил дуслизир Хинтлала шилизир, гядатла дубурлантала хъалибарглизир. Илала

дудешли халаси къайгъи барисури рурсилизи багъуди касахъес. Ит замана, ашкарли къайда, дубурла шимазибти рурсбази багъуди касахъес къайгъи бирути беглти бахъал агартири, хъунул адамлис сунела хъулирти бекларалли биуси саби или бахълис гъанбиркусири.

Хинтлала шилизир ликбезла курсани абхъибхлели Патимат Къайтбекова цаибси рурси сарри ила ручлес раклибси. Илди тамандиубхлели Буйнакъск шагъарлизи, учительтала курсаначи ручлес раклиб. Комсо-

моллизи каберхурти рурсбазирад цаибти къяяназир сарри Къайтбекова. Белчлуди таманбиубхлели сунела районнизи чаррухъун ва комсомолла райкомлизир рузес рехлрихъиб. Глур карерхурсири партшколализи. Ил таманбиубхлели Ахъушала райисполкомла, кинайс биалли Лавашала райисполкомла секретаръли рузули калун.

1964-ибил дуслизир Патимат Къайтбековна Компартияла Ахъушала райкомла цаибил секретаръ рариб ва ил къулдукъличир 1971-ибил

дусличи бикайчи рузули калун.

Сунела хлянчиллизир дебали чекарлизурси, халати жавабкардешличил декларарулхъуси сарливан калун ил адамтала пикрумизир. Руководительтазибад члумали хлянчи тлалабрусури ва гъарил суал заманаличиб арзес бажардириркусири. Ил сабабли Ахъушала район шила хозяйстволла, культурала, багъудила, къантлели буралли, глямрула гъар шайчиб илди дусмала бухнаб дебали гъалабахл аръякъунсири.

З. Мирзаева.



ДАРГА ВА ДИН ДИГУСИ

Даргантас даргала мез ва дин деглара дурхъати сари. Илди лерихли урдабхъибти адамтачиб пахру хлебарес хлейрар. Пахру бареси адам сари дарган мезла «Замана» ва «Ас-салам» газетабазир рузули хлямшиман Гъуруева Наида.

Иличил наб бузериличил дархдасунти суалти хлясибли чуйнара къаршиикес къадарбиуб. Ва гъархлели Наидала малхлямдешли ва кагидешли тамашавирахъаси. Ва глур набзи нуни ираси. «Хлялалдиаб хлямшиман рурсилис, шагъарлизир хлерирулихъалли, шила шантала гядатунидузахъули, сабурличил рузули. Илдигъунтани саби дарга чихъ-чебахл барисби».

«Замана» газета бучантани дучлули дургар Наидала белклани. Саркъибти макъалабани даргантачи диги, илдала баркъудлумачи хлеруди чедиахъули сари. Дигеси саби Гъуруевани нуша бахълис ашкарли ахленти историяла бяхляни гъардирни. Илдигъунтазибад ца саби дин багъандан Екатеринбургани дарибти цацадехл хлянчурбачила белклунси исламличила белклра. Ил леб газетала 5-ибил номерлизиб.

Дахъал сари Наидала белклани. Дучленая илди ва чедиидая хлямшиман рурсила динра даргара дурхъадирути пикруми.

Наида Гъуруевас багъишладирулра ишди дезни:

*Шира шила шантира
Дай уркгилаб бихуси,
Даргара даргантира
Чебахли чебиуси.*

*Дин дарман балли, балгни
Икрамтачил дируси,
Сабурла ванзаличир
Кагили хлерируси.*

*Цалраглер цалисалра
Дяхл киркахледируси,
Клибуркледешла лишанти
Мякъла гъамхледирибси.*

*Хлямшимантала амру
Ахъбуцили бихуси,
Бахълис глйратла нурван
Алки шалариклуси.*

М. Мяхляммадов,
ДР-ла культурала урибси
хлянчизар, поэт, журналист.

ЧЕРЕТАИБСИ РИРИ

Гисаева Патимат Айгубовна аклубсири Мухлела шилизир. Илдини хлунтлена дипломличил таманбариб Дагъиста шила хозяйстволла институт ва Мухлела С. Къурбановла уличилси совхозлизир бекл агрономли рузес рехлрихъиб.

1978-ибил дуслизир Патимат Гисаева Компартияла Ахъушала райкомла секретаръ рарибсири, клел дула глергъи—Ахъушала райисполкомла председателъла къуллукъ-

личи декларарариб.

1983-ибил дуслизир Патимат Айгубовна Ахъушала райкомла цаибил секретаръ рариб. Чекаризурли, цалра масъала пикрила дураб кахлелухъес къасличил рузусири. Адамти-ургар ралрикили, чила сегъуна дард лебал багъес къайгъи бири.

1989-ибил дуслизир Гисаева Республикала шила хозяйстволла Министерстволлизи рузес шуррухъун. Цазаманализир

Москвализисби Тимирязевла уличилси Академиялизир заочно ручлусири ва шила хозяйстволла гилмуртала кандидатла у сархес диссертациялизир рузусири. Сепайда, Патиматлис сунела къас ахирличи букес къадархлебиуб, хапли даклубхъунси изай ил пергер хъунул адам глямрулизирад жявли аррухиб.

Гисаевани касибтири чумал журала наградаби, ил сарри «ДР-ла рурибси агро-



ном». Бунагъ-хатла урдуцаб сунела--халкъ багъандан рузули хлериубси!

М. Ванатов.

АДАМТАЧИ ДИГИЛИЧИЛ ХЛЕРРИУБ

Ахъушала шилизисби школализир 1942-ибил дусличи бикайчи учительницали рузули калун. Глур илини хлянчи дариб комсомолла райкомлизир, партияла райкомлизир, Ахъушала культурала Юртлизир. Илис глергъи Москвализир ручлули калун ва 1953-ибил дусличи бикайчи багъудила отделла заведующаяли рузусири. Илис глергъи Ахъушала райисполкомлизисби культурала отделла заведующая рариб, ил къуллукъличир рузули калун 1981-ибил дусличи бикайчи.

Загъидат Мяхляммадовани беклешдируси

заманала бухнаб Ахъушала районна культурала шайчибси хлянчи дебали гъалабахл аръякъун. Хаслира ахъбуциб илини фольклор. 1956-ибил дуслизисби илини аклахъуси фольклорла ансамбль хабардерхурси бетаур: илини цаибил мер буциб 1969-ибил дуслизисби Лебилдунъяла фестивалличиб Польшализиб, 1970-ибил дуслизисби—Франциялизиб.

Ахъушала районна мисал глебасили, цархилти районтазир ва шагъуртазирра булан фольклорла коллективти аклахъутири. Загъидатли бехлбихуд кабихъибси «Ахъу-

ша» биклуси ансамбль ишбархлира пагъмуртазиб гъалабахл башули, Республикала деглара машгъурти коллективтала луглилизисби кабурхули саби.

З. Мяхляммадовани касибтири дахъал наградаби ва хлурматла уми. Ил сарри РСФСР-ла халкъла багъудила отличник, РСФСР-ла ва ДАССР-ла культурала рурибси хлянчизар. Малхлямси, глякълucherси цархиллис гляхлси гъай буриси, адамти уркличеббуриси Загъидат Мяхляммадова халкъли баркалличил гъанрушули сари.

М. Зубалжат.



Мяхляммадова Загъидат Мяхляммадовна аклубси сари 1915-ибил дуслизир Ахъушала шилизир. 1933-ибил дуслизир илини учительтала курсани тамандариб ва

ГЛЯХИТИ ХЛЯНЧИ ДАРИБ

Шяхлбанова Хамис Глябдуряхлмановна гляхити къматуначил ДГУ таманбарили глергъи рузули калун Къассагумахъила школализир учительницали, кинайс-- директорли.

1985-ибил дуслизир Хамис Глябдуряхлмановна Ахъушала райисполкомла председателъла заместитель рарибсири. 1991-ибил дуслизисби илини бузахъуси къуллукъ шурбухъунсири районна бекла заместительла сабливан. 1998-ибил

дуслизир биалли Хамис Шяхлбанова Ахъушала районна бекла къуллукъличи каратурсири.

Хамис Глябдуряхлмановна нушачил ца юртлизир хлериуб 22 дус, ил заманала рухлар нуни ил цайналра чехлераира хлянчила къанриубли: ил сабри лишан сунела хлянчила, барх бузутала, сунечи дугъабилзутати адамтала халаси хлурмат бирнила.

Районна бекла къуллукъличир Шяхлбановани дахъал гляхити хлян-

чи дарахъиб. Илала гъай дири ишдигъунти: «Дила къас--гъарил шилизисби себиалра гляхлси барес ибси саби». Ахъушала шилизир, мисаллис буралли, дарахъиб дебали гляхити, чараагарти клел хлянчи-шинна провод сагабарахъиб ва районнизи тлабиглятла газ киб. 2003-ибил дула февральла 15-личиб районна больницализисби бегл гъалаб газ алкахъунсири. Цархилти шимазир дарибтира адамтани хъумартурли хледургар.



Арали, разили, дурхлнала гъарбизунани уркличерирули хлериуби хлу, ахлери Хамис!

П. Маллаева.

НУШАБ ДЕГІЛА ДУРХЪАТИ!

ХІУРМАТ АХЪЛИ БИХІИБСИ



Сулейманова Зумруд Запировна аклубси сари Ахъшала шилизир, Чебяхіси ВагІа дявтала бутІакъянчи МяхІяммад-Запир Сулеймановла ва Ахъшала районнизиб бегІ гъалаб «Дагъиста культурала рурибси хІянчизар» ибси у сархибси Загъидат МяхІяммадова хъалибарглизир.

1975-ибил дуслизиб ДГУ таманбарили, Ахъшала ца-

ибил номерла школализир рузес рехІрихъиб. Чумал дусла гІергъи Зумруд Запировна комсомолла райкомла цаибил секретарь рарибсири. Черетаибси, адамтачил ралрикес балуси, жагъилти-ургаб хІурмат сархибси Зумруд Сулейманова ВЛКСМ-ла Дагъиста обкомла цаибил секретарьла къуллукъличи каратурсири ва 1991-ибил дусличи бикайчи ил къуллукъличир рузули калун.

Улкала духІнар тяхІаркъяйда дарсдиубхІели жагъилти-ургаб хІянчи бироти организациябала умира декІарти детаур. Зумруд Запировна илди организациябас бекІдешдирули 2006-ибил дусличи бикайчи рузусири.

2006-ибил дуслизир Сулейманова Республикала культурала министр рариб. Ил хІянчилизира сунела черетаибдеш ва жа-

вабкардеш гІячихъли дакІудухъун: республикала культурала гІямру дебали жигарчердиуб, Москвализир, Россияла цархІилти шагъуртазир, дурала улкназир культурала программаби чедиахъутири, гъар мерлаб Дагъистайзирадти коллективтас ва пагъмучебти адамтас ахъси кымат лугусири.

ГІергъити дусмазир Зумруд Запировна рузули сари «Дагестанский аул» бикІуси музейла директорли. Чинар рузули риаллира илини сунела хІурмат бихІиб, «Зумруд Запировна» ибси у зяйбикІули калахъун. Лер илала дахъал наградаби ва хІурматла ума. Селичибалра дурхъаси биалли—халкъ ургаб сархибси ва ахъли бихІибси хІурмат саби. Аралли, разили хІерриаби, Зумруд Запировна, илкъяйда хІербиаб хІед дигутира!

П. МАЛІАЕВА.

ЗУМРУДЛИС

*Шагъарлизир риадра,
ХІу ишар сарсиванри,
ХІебилшуси шаладеш
Нушаб батурсиванри.*

*Диги дархти саламта
СаламрикІусиванри,
ГІибратла нуранани
РурІули хІерриулри.*

*ХІед гъаман чихъти дезни
ЗяйдикІар дубуртазир,
ГІяхІлацун хабурти сар
ХІечила хъар Даргазир.*

*Зумруд, пахру бирулра
ХІечи ва хІугъунтачи,
Даргара даргантира
УркІазиб бихантаци!
М. МяхІяммадов.*



ПАТІИМАТ— БАХЪЛИС ГІИБРАТ

Бутрила ши районна дегІлара гъалар аклубти шимазибад ца саби. Ил шилизиб аклуб ва хІербиуб хІялалси бузериличибли, пергер баркъудлумачибли бахълис гІибратли биубти хъунул адамти. Ишаб бусягІятра леб районнизибцунра ахІенну, арагІебли Дагъистайзибра машгъурти пергер хъунул адамти. Илдигъунтазибад саби МяхІяммадова ЖумягІ, ХІяжигІялиева ЖумягІ ва цархІилти.

Кагибси, шантаци ва шиличи дигили рицІибси хъунул адам сари НурмахІяммадова ПатІиматра. Ил гъанна дахъал дусмазир шила администрацияла бекІла заместительли рузули сари. Рузули сари шанти баркалла бикІахъули.

Наб гъаман хІянчила хІекълизирти суалти арзес Бутрила администрациялизи вашес чевкъули бирар. Ва, гъархІели нуни ишар ибкъли рузули ПатІимат рургули вирус. Ил пишрехъили гъунириур, дила суалтас саркъибти жавабти луга.

Бахъла тилади хІясибли ПатІиматлис хасдирулра дезнала ишди тугъира:

*Бутрила дубуртазиб
Гъаман бирхъяб уладам,
Чихъ ва черяхІрирули
ХІугъуна хъунул адам.*

*ХІебла лишанти дяхІлар
ЛямцІдикІуси ПатІимат,
ЗугІлуми агардалли
Чевсини аралли рат!*

*ХІу лерни игъбар саби
Шилара шанталара,
ТалихІли урда бяхъяб
ХІечира гъамтачира.*

**М. МяхІяммадов,
поэт, журналист.**

БАРКАЛЛАГЪЛА ДУГЪБАЛА...

*ИмцІатигъунти гІямру
ДурхІначил дарх дер-
кІибти,*

*Узназиб багъудила
Урунж хІебегъахъубти.*

*Бахъал дурхІнас кІизс-
ти*

*Нешани детаурти,
ДяхІлаб разидешла нур
Ухахъули калунти.*

*ДурхІни талихІла гъуй-
чи*

*Гъаббуцили биканти,
Баркаллагъла дугъбала
Шарубази кягІибти.*

*ХІяблсалра сар ишди
Дезни чихъти, черяхІти,*

*Чевсила уркІецІили
ГІямру духъандаррти.*

Чедирти черяхІти дезначи лайикъти хъунул адамти саби ишди Узнимахъила школализиб бузути учительницаби Ибрагъимова Байгинат, ГІябдуллаева ГІяшура ва Абакарова Хадижат.

--Нуша, школала лерилра хІянчизарти илдазибад гІибрат кайсули дузутира. Пахрубирулра нушани нуша-ургаб илди лебниличи,--рикІули сари Узнимахъила школала



Суратлизиб: ГІ. ГІябдуллаева, Х. Абакарова ва Б. Ибрагъимова.

директор ГІяхІмадова Рисалат.

Байгинатли 43 дусла, ГІяшурани 42 дусла ва Хадижатли 38 дусла бухІ-

наб багъудлуми касахъибти дурхІнала лугІи гъамадли бейгІес хІейрар.

М. МяхІяммадов.

ЦАБАЛГУНТИ, ДЯХІШАЛАТИ



Суратлизиб: районна библиотекала хІянчизарти музейлизиб.

Районна библиотекализиб бузути хІянчизарти саби-ургаб къугъали бал-

бикибти, бархбалгунти биънили уркІи разибирахъу, хІяздухъесли би-

рар илди бузуси мерличивакІес, илдала бирусичебаэс. Чулира дахъал бал-

буцуни дурадуркІу, цархІиллар детурхутазира бутІакъяндеш диру. Хаслира гІеббурцу районна музейлизиб бетурхуси балбуц. Февральла 17-личиб районна музейлизиб дураберкІиб «Поэзия костюма» ибси уличилси вечер, сунезирра районна библиотекала хІянчизартани бутІакъяндеш дарибси.

--Гъалабла журала палтар, гъести гІямрула адамтани бурни хІясиблира, суратуни хІясиблира сагадарили, чули дирбубли далдиркахъули сари ва чули мяхІкамли дихІути сари.—буриб музейла директор Зубалжат Мирзаевани.--Ну баркалларикІула районна библиотекала хІянчизартас музейлизир детурхути балбуцуназир жигарла бутІакъяндеш дирни багъандан.

М. ПатІимат.

ГІЯМРУЛИЗИР ДИАБ ТАЛИХІ, ШАДДЕШ, ШАЛАДЕШ!

47 ДУС—УЧИТЕЛЬЛА САНИГІЯТЛИЗИР



Урганила урга даражала школализир ЖягІпарова Хамис БяхІяммаевна 47 дус урус мезла ва литературала, нешла мезла дурсри кадирхули рузули сари. Ил школализир ручІухІели сари акІубси Урганила шилизир бехІбихудлацун сабри школа лебси, илбагъандан Цугнила шилизирси интернатлизи шуррухъи

9 класс тамандарбисири. Сергокъалализирси педучилищелизи карерхур ва бехІбихудла классунала бучІантас дурсри кадирхули рузес рехІрихъиб.

1976-ибил дуслизири Дагъиста пачалихъла университетла филология факультетлизи заочно ручІес карерхур. Университет таманбарибхІели, 1982-ибил дуслизири Хамис БяхІяммаевна Урганила шилизирад цаибси хъунул адам ретаур чебяхІси даражала багъуди касибси.

ГІяхІси адам, чертаибси педагог Хамис ЖягІпаровани дурсри кадирхънила тяхІуртазиб цархІилти учительтала

гІяхІси се леб биалра, ил гІебисули, жагъил учительтази сунени гІеббурули, коллективла бухІнаб халаси хІурмат сархиб. Хамис БяхІяммаевнани халаси къайгъи дакІубирули сари бучІантазир диги адикъес нешла мезличи, литератураличи. Илани бучІахъути дурхІнани районлизир дурадуркІути урус мезла ва литературала, нешла мезла ва литературала олимпиабадизир мурталра бутІакъяндеш дирули бирар. Пачалихъла имтихІанти дедлугхІелира бучІантани гІяхІти багъудлума чедиахъули саби.

Дахъал дусмазиб чекаризурли бируси хІянчи

багъандан Хамис БяхІяммаевнани сархили сари «Россияла Федерацияла цахІнабси багъудила хІурматла хІянчизар» ибси у, Ахъушала районна администрацияла, багъудила управлениела ХІурматла грамотаби.

Хамис ЖягІпаровала хІурмат бирули саби шилизир гІяхІси учительница сарлицунра ахІи, духути, бархъси баркъ касибти дурхІни абикъни багъанданра.

Хамис БяхІяммаевнас ва сунела хъалибарглис диаб гІямрула разити бурхІни!

А. МяхІяммадова, нушала корр.

ЗАГС-ЛА БУЗЕРИЛИЧИЛА

Ахъушала районна ЗАГС-ла отделла заведующая ХІямидова Муслимат МяхІяммадовначил гъалабван чула хІянчила чебкад ихтилат бетерхур.

Муслимат МяхІяммадовна 2005-ибил дуслизирад ЗАГС-ла отделлизир рузули сари, 2016-ибил дуслизирад заведующаялира рузес рехІрихъиб.

—Ца бархІила бухІнаб чум адам ЗАГС-лизи дугъабилзулив ва сегъунти суалти дирару?

— Нушала хІянчилизири гъанна чумал дарсдеш дентаурли сари. Гъалаб нушала ЗАГС-ла отдел Ахъушала районна администрациялизи кабурухуси саби. Гъанна биалли ДР-ла Юстицияла Министерстволити кабурухуси саби. Ил багъандан у бехІсурбиубси саби.

Гъалар шимазибти адатала къуллукъуни чула шилизир детурхутири, гъанна биалли илдирла нушачи шурдарилли сари. Илбагъандан нушачи дугъабилзути адаттира бахъкабаили саби, бархІилис 30 адам къабулбирулира, гъатІира имціали лебси заманара бирар. Нушала хІянчира

дебали имціадиуб. Нушани адаттас 9 журала къуллукъ детурхъути сари.

Дугъабилзутала жура-журала къуллукъуни дирар дурхІя акІнила кагъар, фамилия бехІсурбаряхъес, кагъуртазирти хатІаби гъардирахъес, хъайчикирути жагъилтас, хъайчибад декІарабиркутас документуни дицІахъес, дурхІялис дудешдеш кадизахъес, у бехІсурбаряхъес, дурхІни чус бихІес сасибтала документуни дицІахъес, свидетельствоби сагали дедлугни, гІямрулизирад арбякъунтала свидетельствоби дедлугни.

Нушала гъанна халаси хІянчи бетерхур, лебилра архив электронный тяхІярличи шурбатурси саби. Ил хІянчи хІябал дусла бухІнаб даимбарра.

—2020-ибил дуслизиб Ахъушала рйоннизиб чум дурхІя акІуба, чум жагъилти хъайчи кабиба?

—Арбякъунси дуслизиб Ахъушала районнизиб 731 дурхІя акІуб, ЗАГС-лизиб белкІ барахъили, 164 жагъилти хъайчи кабиб, 39 – хъайчибад декІарабикибти лебри,



371 – адам гІямрулизирад арбякъун, 83-дурхІялис дудешдеш кадизахъур, ца дурхІя вихІес сасиб.

—ЦархІилти организациябчил, учреждениебчил бархбас бузахъули дургудая?

— Нушани лерилра организациябчил бархбас бузахъуси саби, ОМВД-личил, МФЦ-личил, суданачира дашутира ва цархІилтачилра.

—Адаттала къуллукъуни заманаличир бекІдарес, дурала мераначирад дакІубти кагъуртас жавабти чардарес бажардидиркулраяв?

—Нушачи дугъабизурти адаттала къуллукъуни кам-

си заманала дурхІнар бекІдирути сари. Дурала мераначирад дакІубти кагъуртас жавабти чардалтулра сецад жавли диахІеллира.

Гъанна ил хІянчи электронный тяхІярличиб бетурхули, халаси гъамаддеш леб, ил дурабуркІуси саби «Электронный Единый Государственный Реестр» бекІуси программа хІясибли.

—Чум хІянчизар леба гъанна ЗАГС-ла отделлизиб бузути?

—Нушала кІел штат сари лерти, амма хІянчи лер дахъал. Нушачи дугъабилзути адаттази багъахъес дигулра итни бархІи нушала выходной саби, талатличибад –жумягІ бархІиличи бакайчи саби чула къуллукъуни детерхъес нушани адатти къабулбирути. Нушачи хъарси хІянчи жавабкардешличил даимбирули дусес къайгъи бирехІе нушани гъаннала гІергъира.

—Гъаннала гІергъира хІушала бузерилизир ва гІямрулизир сархибдешуни дубли дигулра!

С.ГІябдуллаева, нушала корр.

АРАДЕШРА ТАЛИХІРА



Сураглизир: терапияла отделениела заведующая С. МяхІяммадова сунела хІянчизартачил.

ИмціадикІутин сари
Адаттала зугІлума,
Жайзи дургъутин сари
Чедухъунти излума.

Илдачил гъазализир
Чебиулра тухтурти,
Адам ва жан багъандан
Даим къяшмачиб гІашти.

Дезни сари черяхІти
ХІушаб хъунул адатти,
ХІулдуркІулра гъархІели
Нуша мурул адатти.

Терапияла къушлар
Излума дубкІахъанти,
ЗягІипти сагъбарилли
Хъули гъуниббалтанти.

Дезнала икІди дугъби нушани районна больницала терапияла отделениелизиб дуги-хІери хІеили, къяшмачи гІашли бузути хъунул адаттас хасдарибти сари. ГІе, илдачи лайикълира саби бузути 20-цад хъунул адам. Илдазибад цацабехІтала уми гъандуршулра. Илди-ургаб леб отделениела заведующая МяхІяммадова СягІида, медсестраби ГІялиева ЖумягІ, ГІялиева Хамис, МяхІяммадова Заира, МуртазгІялиева ПагІимат, Ибрагъимова Хадижат, ХІясанова Аминат ва цархІилти. Ишаб бузути лебилра хъунул адаттас сагъси арадешра, талихІли дицІибти бурхІнира диаб или дикІулра.

М. МяхІяммадов.



ГАЗЕТАЛА
БЕКІ РЕДАКТОР
П.Ш.МАЛЛАЕВА
8-260-21-2-20



БЕКІ РЕДАКТОРЛА
ЗАМЕСТИТЕЛЬ
М. М. МяхІяммадов.
Тел. 8928-872-58-85



АДРЕС:
368280

АХЪУШАЛА РАЙОН,
АХЪУШАЛА ШИ.
«БАРХЪДЕШЛА ГЪУНИ»
ГАЗЕТАЛА РЕДАКЦИЯ.
сайт: путь истины.рф
эл.почта:put-istiny@mail.ru



ГАЗЕТА
КАБЪАХЪБСИ САБИ
МяхІячкъалализирси
«Издательский дом
Дагестан»
ТИПОГРАФИЯЛИЗИБ.
АДРЕС

ИЗДАТЕЛЯ И ТИПОГРАФИИ:
РЕСПУБЛИКА ДАГЕСТАН
ПР. ПЕТРА ПЕРВОГО, ДОМ №61
ТИПОГРАФИЯ «ИЗДАТЕЛЬСКИЙ ДОМ ДАГЕСТАН»
Т. 88722-65-00-51.



ГАЗЕТА
ЖУМЯГІ БАРХІИ
ДУРАБУЛХЪУСИ САБИ



КЪУЛБАСБИРУСИ ЗАМАНА
17 СЯГІЯТ.
КЪУЛБАСБАРИБСИ
ЗАМАНА 17 СЯГІЯТ.



АВТОРТАНИ
ЧУЛА МАТЕРИАЛТАЛА
ХІЕКЪДЕШЛИС ВА
БАРХЪДЕШЛИС ЖАВАБ
ЛУГУСИ САБИ.



ГАЗЕТАЛИС
КЪУЛБАСБАРЕС ВИРАР
ДИГАЛЛИ ПОЧТАЛА
ОТДЕЛЕНИЕБАЗИБ,
ДИГАЛЛИ РЕДАКЦИЯЛИЗИБ.
ГАЗЕТАЛА ИНДЕКС 51345

Тираж 1000 экз.

